

所到各埠。各僑胞無不出力帮忙。今次前來貴埠。向各梓里求捐。尙希竭力提倡。勸各僑胞盡情捐助。至該農科內容之關係於民食與主權問題。鍾君當能面罄也。肅此恭頌

公祺

三藩市中華會館總董陳官詔頓

### 歡迎鍾榮光先生

錄智利華僑日報（霍劍）

昔柯亭之竹。非呈響于蔡宮（佳旁）。鹿盧之劍。豈矜奇于秦女。乃過之者駐轡。佩之者超屣。何哉。德見者情生。氣求者聲應。人非矇瞶。觀夷光而運眸。地非俗壘。奏成韶而傾耳。此鄭風所以歌緇衣。周易所以稱蘭臭也。鍾先生榮光。以碩德蒼彥。昌明教途。負儒林重望

南大與華僑

。三十有餘年。都人士備聞先生行誼之純一。學術之淵深。又奚止繫我崇拜景仰已耶。溯我粵連年坎坷。風雲擾攘。琴書冷寂。學徑荒蕪。士習凌夷。人心萎靡。馴至以師儒爲對薄之人。以法廷爲索薪之地。報章具在。披覽慨然。而潛心就範。實力經營者。寧有幾人哉。今鍾先生奔走海外。爲廣東農大樹宏遠之規模。苦心毅力。勞悴弗辭。綜觀欽遲者方望若歲。馳譽者久癩若雷。未嘗不歎人生之能力。無一定界限。無一定程度。而惟以其熱誠之界限程度爲比例差。其動機也希微。其結果也殊絕。而深知乎天下古今聖賢豪傑之所以能成就大事業者。其所得皆有由也。鄙人對於鍾先生。時有高山仰止之思。緬聲華于往日。欽芝采于

臨風。李鄴侯一品仙衣。周公瑾三升醇酒。早已營意絲而繡平原。範心金以鑄買島矣。今幸名賢長者。命駕南來。此際識荆。我猶恨晚。獲視丰采。足慰平生。大好鴻雪因緣。應留紀念。仍願龍雲角逐。鵠候乘時。企予望之。心乎愛矣。

### 歡送鍾榮光先生序

錄智利華僑日報(霍劍)

高軒遙蒞。瓊衡開南美之輝。卿月初圓。琪珥映重洋之色。擬秋陽之皜皜。至德可師。看冰鑑之燦燦。容光普照。星躔斗宿。心在玉壺。宿學名家。文章華國。曩振尼山之鐸。路遠紅羊。旋乘采石之槎。帆移利馬。觀霓裳于天上。如聞馬帳笙歌。折桂子于月中。不羨狄門桃李。

。早知嶺南才藪。定有奇人。抑且百粵名區。必多佳士。是故四海仰昌黎之望。一時美元禮之光。劍文愧夜光。識非月旦。春風楊柳。喜逢化澤之濡。秋雨梧桐。幸接紫芝之宇。方擬斧裁茅塞。借重名車。何期駒影甫維。驪腔徒唱。能無繫我之感慨流連也乎。然以先生賢者多勞之身。又焉敢重貽巧作拙奴之累。祝此際揚帆歸去。闡揚學藝精神。觀他日把麈澄清。應作儒林化雨。何憾浮雲南北。流水西東。團雪散雪之歌。今雨舊雨之感。所望繼繆之緣未盡。烟波之夢仍通。他日曹阮谿中。一篷撐月。浮邱峯頂。雙屐踏烟。再與先生訪翡翠之巖。探芙蓉之嶺。甚未晚也。愚衷耿耿。離緒依依。此日相思。聊劈笈皮而寫。異時話舊。再揮